



10
Appointement de
querelle,

FAICT PAR MATHVRINE,

*Entre le Soldat François &
Maistre Guillaume.*

M. DCV.





APPOINTEMENT DE QVERELLE.

*Le Soldat François parla en ces
termes à Maistre Guillaume.*

E subject qui m'a
L induit de conuier
 la France à la guer-
 re d'Espagne, n'a
 point esté vne passion violente
 que i'aye, de voir rompre ce sa-
 cré lien de paix, si solennellemēt
 iuree entre les Roys de ces deux
 grands Estats : I'y ay plustost

A ij

esté emporté par la seule hayne
du manque tout visible qu'il y
a d'une part en l'estroicte obser-
vation des promesses recipro-
ques, où l'on s'est volontaire-
ment obligé au traicté d'icelle.
Lors que i'ay veu que sous le
manteau de ceste paix on nous
glissoit la felonnie, la rebellion
du sujet contre le Prince; & que
sous couleur de retirer les ar-
mes de la frontiere, on les ap-
portoit insensiblement au beau
milieu du Royaume, voire ius-
ques dedás la chambre, iusques
dedans le liét de nostre Roy, n'y
espargnant mesme l'enfant du
berceau: Lors, di ie, que i'ay veu
que sous les appats d'une ami-

tié feinte on ne nous brassoit
 que perfidie, que trahison, i'ay
 estimé qu'il valloit mieux auoir
 l'estranger pour ennemy ouuert,
 que de voir le propre & naturel
 François se faire estranger pour
 l'amour de luy. D'ailleurs confi-
 derant que dedans ce Royau-
 me il y a tout plein de Caualliers,
 qui demeurans inutillemēt les
 bras croisez, courent plus de
 fortune d'oublier ce qu'ils sça-
 uent du mestier de soldat, qu'il
 n'y a apparence qu'ils deuien-
 nent grands Capitaines en vne
 si profonde paix: I'ay creu que
 les remettant en l'exercice des
 armes, ils pourroient acquerir
 ceste derniere qualité, ou au-

moins ne perdre la premiere,
 pour ne ressembler aux Elephās
 de Demetrius, à qui il falloit
 rougir les cuisses de ius de me-
 res pour les eschauffer au com-
 bat: & que sous ceste feinte ils
 creussent que c'estoit leur sang
 qu'ils perdroyent, tant le long
 seiour les auoit apoltronnis.
 Ioint que tout ainsi qu'on dict,
 que si la vigne est arrousee de
 son vin, elle se desseche & meurt
 peu à peu, aussi la crainte que
 i'ay que la France ne se perde,
 s'arroufant de son propre sang,
 comme du vin qu'elle produit,
 i'ay pensé qu'il estoit plus à pro-
 pos de porter ses armes hors du
Royaume, que de s'acharner

aux fureurs de nos guerres civiles : Car il semble que la soif de ce sang soit vne hydropisie formee, dont on ne desaltere iamais, depuis qu'on en à vne fois gousté : & sur tout en ce siecle, où il n'y a manque de personnes qui versent, qui espandent sur le public leurs coleres, leurs passions, cerchans leur grandeur en la diminution d'autrui, ne logeans leurs esperances qu'en la desolation publique, comme autant de vents, qui ne soufflent iamais qu'au naufrage.

Par ainsi, si M. Guillaume estime que ie me sois trop esté du sur ce sujet; ie le prie de m'en


excuser, donnant ce peu de passion à l'ardeur de mon zele.

Et en ce que i'ay touché des bastimés de Monsieur son bon amy, ie le supplie de me le pardonner, ayment mieux qu'il m'eust cousté, non seulement partie de mon sang, mais toute la vie entiere, auant que i'eusse pensé l'offencer: ayant mesme apprins depuis que Phidias fut autant loué pour auoir bien faict le brodequin de Iupiter, que pour auoir parfaictement représenté au vif les beaux traits de sa face. Aussi vn grand Prince merite double gloire, qui apres auoir conquis vn Royaume à la poincte de l'espee, le

fçait encores embellir , par la
 dépense & sumptuosité des su-
 perbes edifices ; qui tous insen-
 sibles & immobiles qu'ils sont,
 combattent neantmoins con-
 tre les siecles, pour la perpetuité
 & conseruation de sa memoire.
 Moins luy veux-ie controller
 ses plaisirs, qui ne luy seront ia-
 mais si delicieux, qu'ils com-
 pensent les longs trauaux qu'il
 a souffert pour le salut de tous.

Sur ce que i'ay iniurieusement
 declamé contre les Iesuites, ie
 veux esclaircir M. Guillaume,
 que mon discours s'adresse,
 non à tout le corps de leur so-
 cieté, mais à quelques membres

particuliers, qui sortans des limites de leur profession, ont voulu mettre le nez vn peu trop auant dans les affaires du monde; ne pouuant au surplus que fort louer leur reſtabliſſement, pour le bié & vtilité que la ieunesse reçoit de leur nourriture aux bonnes lettres, qui renaissent & fleurissent côme de nouveau en France, à l'ouuerture de leurs colleges, ces beaux ſeminaires de vertu.



SATISFACTION DE
 MAISTRE GVILLAVME
 au Soldat François.


MOnsieur le Soldat, il est
 par ma foy vray que i'ay
 bien dit du mal de vous, & plus
 en ne vous voyant, que i'en ose-
 rois à ceste heure en vostre pre-
 sence; qui me faiet assez reco-
 gnoistre la difference qu'il y a
 entre l'homme d'espee, l'hom-
 me d'honneur & le pauvre hom-
 me de robe longue, telle que se-
 roit la mienne, si les pages & la-
 quais de la Cour ne m'en des-
 chiroyent tousiours quelque

lopin. Or ne desirât que la paix avec vous, ie suiuray l'aduis de ma bonne seur & grand'amie, madame Mathurine, qui m'a representé, que ma qualité ne sentant rien la pouldre à canon, vous ne voudriez pour chose du monde apparier vostre sang au mien, pour tirer raison de ceste offence, par le sort des armes. De façon qu'il ne me vint iamais rien si à propos, sinon de n'estre maintenant soldat ny gentil-homme, pour n'estre engagé au combat, encores qu'il se trouuast assez de gens capables d'exercer ma charge, en cas qu'on me tuaist sur le pré aux clerks, ou plustost en la place

aux veaux. La grand' peur que
i'ay me faict donc desdire fran-
chement de tout ce que i'ay es-
crit contre vous; mesmement
que ie retire, & prens sur moy (y
en eust-il cent autres) la demen-
tie que ie vous ay donnée, puis-
que pour la reparer le conseil
des querelleux porte; qu'il me
faudroit battre, ou endurer de
necessité des coups de baston
sur mes espaules. Ce que i'ay dit
aussi de la bastille, & de maistre
Iean Roseau, ne se doit pas en-
tendre, que ces coups de reuers
frappét indifferément sur tous,
veu que Monsieur mon bon a-
my sçait fort bien qui est ce Se-
neque, qui disoit à l'Empereur

Neron , qu'il n'appelloit pas
doulueur vne cruauté qui est las-
se: luy representant que les fre-
quentes punitions ne sont pas
plus deshonorables au Prince,
que le grand nombre de fune-
railles au medecin. Il se conten-
te aussi plus de la penitence que
de la peine, parce que c'est vne
espece de supplier, d'auoir veu
le coupable s'humilier. Et par-
ce que la difference de ma qua-
lité à la vostre, me faict faire
plus que la moitié du chemin
en cest appointment, ie vous
supplieray, Soldat mon amy, de
m'excuser de tout ce qui s'est
passé, me le vouloir remettre &
pardonner; desirant que vous

soyez mon amy, sur assurance
que Maistre Guillaume est vô-
tre tref-humble seruiteur.



CEs discours acheuez Ma-
thurine prist M. Guillaume
par la main, qui s'estant hum-
blement ietté aux pieds du Sol-
dat François, le releua, luy por-
tant doucement la main sur l'es-
paule, en signe de reconcilia-
tion : Et lors Mathurine pre-
nant la parolle leur dist : Mes
amis, ce seroit donner au bou-
ton ce qui appartient au fruct,
estant en sa maturité ; si vous
estimiez que ie fussela principa-
le cause de ceste heureuse entre-

ueuë: ie n'en suis qu'un foible
 instrument, c'est le bon Genie
 de la France, qui nous y a com-
 me portez tous deux, pour met-
 tre vne bonne fin à tous ces li-
 belles pleins d'aigreur, qui en-
 tamoient ainfi l'union des Fran-
 çois, qui voyans à ceste heure
 cesser nos débats, ne s'arreste-
 rôt qu'à prier Dieu pour la san-
 té du Roy, qui nous a esté don-
 né du Ciel en benediction, pour
 nous faire longuement viure
 en paix. Or que fils de putain
 soit donc le premier qui se met-
 tra iamais en train de brouiller
 le papier, pour dire librement
 son aduis sur telles affaires.
 Vous Soldat, mon amy, si vous
 n'avez

n'auez faiet valoir le talent durant la guerre, n'ayez hôte pour viure, d'aller vn peu seruir les massons au bastiment de ceste belle gallerie Royale, en attendant qu'on vous employe. Et vous Maistre Guillaume, contentez-vous comme moy dans l'estat honorable où nous sommes esleuez en ceste Cour, sans plus vous amuser à mettre vos resueries par escrit: iugez que nostre condition n'est point au iourd'huy si miserable, que beaucoup de gens plus sages que nous, & qui ont mieux seruy, ne s'en contentassent tres-bien. Adieu.

[The text on this page is extremely faint and illegible due to fading or bleed-through from the reverse side. It appears to be a continuous block of text, possibly a letter or a page from a book.]



C'EST bien raison Mathurine
 Qu'on voye de vostre urine,
 Puis que ressentez les maux,
 Les tranchées & travaux
 Du Soldat & de Guillaume,
 Qui debattent un Royaume.

Les Roys cependant amis
 Descouurent leurs ennemis,
 Par des Bouffons necessaires
 En leurs plus grandes affaires;
 Mais gardez de dire tout,
 La fin faict tousiours le bout.

